

# გაუარესებული ყოფითი პირობები, შერყეული ჯანმრთელობა და გაზრდილი სარეიტინგო ქულა



**გალენტინა კაზაკოვა: „ხანდახან ისიც კი ვიფიქრებ, რუსი ვარ და იმიტომ მიქცევინან ასე“**

## თეზურ მარჯანიშვილი

ეროვნებით რუსი ვალენტინა კაზაკოვა ოზურგეთში, კოსტავას ქუჩის №117-ში, ე. წ. „ჩაის ფაბრიკის“ ბინებში ცხოვრობს. იგი გაისად, იანვარში 90 წლის განსდება. როგორც თვითონ ამბობს, დიდი ომი-ანობის ჟამს, მისი მშობლები შვილებითურთ ამიერკავკასიაში გადმობარგებულან:

„ჩემი მშობლები რუსეთში ცხოვრობდნენ. დიდი სამამულოს დროს, როცა ქვეყანაში ომი და შიშხილი მძვინვარებდა, მე და ჩემს მამს ხელი ჩაგვაავლეს და ამიერკავკასიაში გადმობარგდნენ საცხოვრებლად. ეს ყველაფერი კარგად მახსოვს, ლუკმა პურის შოვაში გვიდამდებოდა დიდსა და

პატარას. თავდაპირველად ბაქოში დაბინავდით, 1951 წლიდან კი ოზურგეთში ვარ. აქ გავატარე მთელი ჩემი ცხოვრება. თითქმის 40 წელზე მეტი ხნის განმავლობაში ვმუშაობდი ზვანის ჩაის ფაბრიკაში. მშობლები ადრე გარდაიცვალნენ, მერე ჩემზე ორი წლით უფროსი, ერთადერთი ძმაც დამეღუპა. აღარავინ მყავს ნათესავთაგანი არც რუსეთში, არც ბაქოში და არც ოზურგეთში. ეს ორი პატარა ოთახია ჩემი ავლადილება“, – ხმა უკანკალებს და ისეთ შთაბეჭდილებას ტოვებს, ცდილობს, არ გამოჩვენოს სათქმელი.

მარტოხელა ქალბატონი, რომელსაც დამოუკიდებლად

გადაადგილება უჭირს, მოხუცებულობის პენსიასთან ერთად, იღებდა სოციალურ დახმარებას, რომელიც ორი თვის წინათ შეუწყვეტეს:

„ჯანმრთელობა ისე გამიუარესდა, დამოუკიდებლად გადაადგილება მიჭირს. მეზობლები რომ არა, საპირფარეოშიც ვერ ჩავალწვევი ეზოში. მოხუცებულობის პენსიასთან ერთად, სოციალურ დახმარებას ვიღებდი, რომელიც ორი თვის წინ შემიწყვეტეს. ხანდახან ისიც კი ვიფიქრე, რუსი ვარ და იმიტომ მექცევინან ასე. 2006 წლის 18 მაისის მონაცემებით, ჩემი სარეიტინგო ქულა 46 700 იყო, წლებიდან 11

ივლისიდან კი 67 550-მდე აუფვანიათ, მაშინ, როცა პირობებიც გამოუარესდა და ჯანმრთელობაც შერყეული მაქვს“. ვერ გეტყვით, რა ეწერა მასში, რადგან ქართული საერთოდ არ ვიცი, აგენტს კი არ უთარგმნია“, – შესაბამის ლოკუმენტაციებს მაცვდის.

ვამწვიდებ, რომ ეროვნება არაფერ შუაშია. აქვე ვინტერესდები, თითქმის 70 წელია, რაც საქართველოში, კერძოდ, ოზურგეთში ცხოვრობს და ამ ხნის განმავლობაში რატომ არ შეისწავლა ქართული ენა:



უბველესი გაზეთი უახლესი ინფორმაციებით!

გაზეთი გამოდის 1931 წლის 5 იანვრიდან

საზოგადოებრივ-პოლიტიკური გაზეთი. ყოველკვირეული გამოშვება. №31 (10121), 3 აბონიტო, 2015 წ. შპსი 50 თმითი.

## ოზურგეთში საორტული ტანსაცმლის წარმოება დაიწყება



თურქული კომპანია „fast track textile“, გურიაში რამდენიმე მილიონი დოლარის ღირებულების ინვესტიციას განახორციელებს. ამ საკითხთან დაკავშირებით სახელმწიფო რწმუნებული-გუბერნატორი გურიის მხარეში, გასალექვაძე კომპანიის დირექტორს ალი შაჰინს შეხვდა.

„fast track textile“-ს ძირითად საქმიანობას სპორტული ტანსაცმლის წარმოება წარმოადგენს. დამუშუბელი, მსოფლიო ბაზარზე adidas, NIKE, VANS-ის ფირმების უმსხვილეს მწარმოებელ კომპანიად არის ცნობილი. კომპანიის მიზანი ქალაქის ცენტრალურ უბანში სამკერვალო საწარმოს აშენება გახლავთ. ქალაქ ოზურგეთის მუნიციპალიტეტის ტერიტორიაზე არსებული სახელმწიფო-სარეალ-იზაციო ფართების შესწავლის შემდეგ მოლაპარაკება შემდეგ ეტაპზე გადავა. პროექტის განხორციელების შემდეგ საწარმო 450-მდე ადგილობრივ მაცხოვრებელს დაასაქმებს.

„მხარის ხელისუფლება კომპანიას პროექტის წარმატებით განხორციელების საქმეში სრულ მხარდაჭერას უცხადებს. გურიის რეგიონში ინვესტიციების განხორციელებისთვის ყველაინარი პირობა არსებობს. მსგავსი სახის პროექტები რეგიონის ეკონომიკურ მდგომარეობას მნიშვნელოვნად გააუმჯობესებს. მინდა მადლობა გადავუხადო ოზურგეთის მაჟორიტარ დეპუტატს ზვიად კვაჭანტირაძეს, რომლის უშუალო მონაწილეობითაც შედგა დღევანდელი შეხვედრა,“ – განაცხადა ვია სალუქვაძემ.

შეხვედრას გუბერნატორის მოადგილე, სოსო ერქომაიშვილი, ქალაქ ოზურგეთის მუნიციპალიტეტის მერი, ბეგლარ სიორიძე, ოზურგეთის მაჟორიტარი დეპუტატის ბიურის ხელმძღვანელი, მურთაზ ფოცხიშვილი და „fast track textile“-ს კომპანიის წარმომადგენლები დაესწრნენ.

## ბენეფიციარების პროტესტი

### ანუ რა ხდება ქ. ოზურგეთის მუნიციპალიტეტის მზრუნველობამოკლებულთა უფასო სასადილოში

#### წუხარ ასათიანი

ერთი თვის წინ ოზურგეთის მუნიციპალიტეტის მიერ მზრუნველობამოკლებულთა უფასო სასადილოს მომსახურებისთვის გამოცხადებულ ტენდერში შპს „მანიბაშ“ გაიმარჯვა.

გაზეთ ალიონისთვის მიცემულ ინტერვიუში შპს „მანიბაშ“ დირექტორმა თეონა ჯავახიშვილმა მაშინ აღნიშნა: „გვაქვს საკმაო გამოცდილება, რომ სიახლეები შევიტანოთ ამ სასადილოს მუშაობაში. მაინც ქ. ოზურგეთის მერიისა და საკრებულოს დამოკიდებულება იქნება მთავარი სიახლეების დასანერგად.“

გაზეთი „ალიონი“ შპს „მანიბაშ“ მენეჯერს ნატო მეფარიშვილსაც ესაუბრა: „სურსათის უვნებლობის სამსახურის აზრი გვინტერესებს სტანდარტების დაცვა-სათან დაკავშირებით. სამზარეულოს აუცილებლად სჭირდება რემონტი.“

„მანიბაშ“ ტენდერის პირობის მიხედვით 3 თვის განმავლობაში უნდა მოემსახუროს მზრუნველობამოკლებულთა სასადილოს. მათი დანაპირებიდან ჯერჯერობით შემოტანილია საყოფაცხოვრებო მაცივარი და ჩატარებულია კოსმეტიკური რე-

მონტი უფასო სასადილოს სამზარეულოში.

„მანიბაშ“ ხელმძღვანელმა არ ჩათვალა საჭიროდ სასადილოში რადამიანი მუშაობის საჭიროება (ისინი დღევამოშვებით მუშაობდნენ) და 3 ადამიანი (მზარეული, მზარეულის თანამშემწე, დამლაგებელი) ყოველდღიურად მუშაობენ, თუმცა, ჯერჯერობით მათთან არ არის გაფორმებული არანაირი სახის შრომითი ხელშეკრულება და არც ხელფასის მომატებაზე ჰქონდათ ინფორმაცია.

29 ივლისს მზრუნველობამოკლებულთა სასადილოს ბენეფიციარებმა მომსახურების გაუარესების გამო პროტესტი გამოხატეს.

– დაბალია საკვები პროდუქტების ხარისხი. სასადილოში უვარგისი ხორცი და დაბალი ხარისხის პროდუქტები შემოაქვთ. არ გვინდა წყალწყალა სუფები, – აცხადებდნენ ისინი.

ამ თემაზე იმავე დღეს ქ. ოზურგეთის საკრებულოს სოციალურ საკითხთა კომისიის წევრები, ქ. ოზურგეთის მერიის სოციალური სამსახურის წარმომადგენლებთან ერთად მზრუნველობამოკლებულთა უფასო სასადილოში



მივიდნენ და „მანიბაშ“ მიერ შემოტანილი გაყინული ხორცი ვიზუალურად დაათვალიერეს.

ნინო ტაბატაძე, ქ. ოზურგეთის მუნიციპალიტეტის საკრებულოს სოციალურ საკითხთა კომისიის თავმჯდომარე: – ხორცი ვიზუალური დათვალიერებით ცუდ შთაბეჭდილებას ტოვებდა. სურსათის უვნებლობის სამმართველოში გადავედი და უფროსს კახა თავბერიძეს ვუთხარი, რომ საჭირო იყო ამ ხორცის ლაბორატორიული შემოწმება. თავბერიძემ მიპასუხა, რომ ოფიციალური განცხადებიდან სამი დღე იყო საჭირო სურსათის უვნებლობის სააგენტოდან ნებართვის მისაღებად. არ მეგონა „მანიბაშ“ წარმომადგენელი მალხაზ იანტბელიძე (თეონა ჯავახიშვილის მამამთილი) ხორცს თუ ასე ოპ-

რატიულად გააქრობდა... მერიის სოციალური სამსახურის უფროსმა თამარ დუმბაძემ სურათები გადაუღო, სადაც კარგად ჩანს ხორცის ვიზუალური სახე..

30 ივლისს, გაზეთი „ალიონი“ სასადილოს ბენეფიციარებს ადგილზე ესაუბრა:

– 86 წლის ქალი ვარ. 47 წელი ვიპუშავე ოზურგეთის აბრეშუმის ფაბრიკაში. ამ სასადილოში ახლა ღორიც კი არ შემოიშვება. სასადილოს კუთხეში წყალი ჩამოდის. სამზარეულოს წინ იატაკი ჩავარდნილია. წყლიანმა ლობიომ და „გარონის“ („ბარდა“) სუფმა კიდევ უფრო დაგვაუძულა. კალორია ხომ უნდა მივიღო. სახლში სერიალს ვუყურებდი





### გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ. სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 15 ლარი;
- სამედიცინო განცხადება - სიტყვა 20 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 15 თეთრი, პლუს სურათი (5X6 სმ) - 2 ლარი;
- ახალი წლიდან აღიონის ფორმატი გაორმაგდა და 8 გვერდი გახდა. გამოდის ორშაბათობით
- საჯალო ფასი: 50 თეთრი, ხელმოწერა:
- ერთი თვით - 2 ლარი, სამი თვით - 6 ლარი, 6 თვით -12 ლარი, ერთი წლით - 24 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონანაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

**სარეკლამო მომსახურება**  
**რედაქტორი**  
**ნუგზარ ასათიანი**  
 nugzarasatiani@rambler.ru  
 558 499100  
 საინფორმაციო სამსახურის ხელმძღვანელი:  
**თემურ მარშანიშვილი**  
 tem52@mail.ru  
 599 373515  
 კომპიუტერული უზრუნველყოფა  
**გიორგი გოგოლაძე**  
 gia\_77@mail.ru  
 551 576060  
 რედაქციის მისამართი: ქ. ოზურგეთი, გაბრიელ ეპისკოპოსის ქ. №3  
 ტელ: 558 499 100  
 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311  
 გაზეთი იბეჭდება გამომცემლობა „მერიდიანში“  
 მის: თბილისი, ვ. ბაგრატიონის ქ. №77

## გაუარესებელი ყოფითი პირობები, უერყეული ჯანმრთელობა და ბაზრდელი სარეიტინგო ქულა

„მთელი ჩემი ცხოვრება, გარდა ფაბრიკისა, არსად მიმუშავია, ფაბრიკაში კი, ყველა, მათ შორის ქართველებიც, რუსულად საუბრობდნენ. ცოტა ვიცოდი, მაგრამ მერე მენსიერებამ მილალა და ის ცოტაც დამაფიქვდა“, - მასსუხობს და ცდილობს, თვალი ამარიდოს. როგორც ქალბატონ ვალენტინას, ისე ჩვენაც აგვისტოს, რომ ქულების მატება რეიტინგის გამოთვლის მეთოდოლოგიის შეცვლამ განაპირობა. ეს ტექნიკური ხარვეზია და როგორც ბატონმა ზაზა სოფრომაძემ განაცხადა, ახლა პროგრამა ცენტრალიზებულად გადატარდება და მარტოხელები, შეიძლება, ავტომატურად მოხვდნენ სოციალური დახმარების მიმღებთა სიაში. კიდევ უფრო საიმედო ჩანს ამ თემაზე პრემიერის გამოსვლა საქართველოს მთავრობის 30 ივლისის სხდომაზე, სადაც სოციალურად და-

უცველი მოსახლეობის შეფასების მეთოდოლოგიასთან დაკავშირებით შრომის, ჯანმრთელობისა და სოციალური დაცვის სამინისტროს მიერ მომზადებული ცვლილებათა პაკეტი განიხილეს. „მე ვიცი, რომ სამთვლიანი მონიტორინგის შედეგად გამოვლინდა ყველა ის საკითხი, რაც შეცვლას და დახვეწას საჭიროებს. დღეს სწორედ იმ მარტოხელა პენსიონერებისთვის, რომლებიც პროგრამის მიღმა დარჩნენ, საარსებო შემწეობის ადღეგენის საკითხს განვიხილავთ. უფრო მეტიც, ჩვენ მათ, კომპენსაციის სახით, ავუნაზღაურებთ შესაბამის თანხას, რომელიც უნდა მიეღოთ იმ თვეების განმავლობაში, როდესაც შემწეობის მიღება შეჩერებული ჰქონდათ“, - განაცხადა სხდომაზე ირაკლი დარიბაშვილმა.

## სკრინინგები უფასოდ გამოკვლევითაგან 30 პროცენტზე მეტს C ჰეპატიტი დაუდასტურდა



სსიპ ლ. საყვარელიძის სახელობის დაავადებათა კონტროლის და საზოგადოებრივი ჯანმრთელობის ეროვნული ცენტრის სახ-ჯანდაცვის დეპარტამენტის გურიის განყოფილებაში (ექვთიმე თაყაიშვილის მე-6 შესახვევი №3, ექსლია) C ჰეპატიტის უფასო გამოკვლევის აქცია მიმდინარეობს.

როგორც აღნიშნული განყოფილების უფროსმა, ექიმმა არჩილ მჭავიამ გვითხრა, გამოკვლევა რამდენიმე ასეულმა ადამიანმა უკვე გაიარა. გამოკვლევითაგან 30 პროცენტზე მეტს C ჰეპატიტი დაუდასტურდა. უფასო გამოკვლევები 6 აგვისტოს ჩათვლით გაგრძელდება.

## ბზის ალურას წინააღმდეგ შესსურების მეორე ეტაპი



ალიონი. როგორც აგრარული უნივერსიტეტის ჩაის, სუბტროპიკულ კულტურათა და ჩაის მრეწველობის ინსტიტუტის აკადემიური დოქტორი ანგელინა ნიკოლაიშვილი გვატყობინებს, დადგა ბზის ალურას წინააღმდეგ შესსურების მეორე

ეტაპის ვადა. გურიის რეგიონში გავრცელებული ბზის ყველა ნარგაობა, რომელზეც გავრცელებულია ეს საშიში საკარანტინო მავნებელი, აუცილებლად უნდა შესსურდეს. შესასსურებლად ქიმიური პრეპარატებიდან სასურველია ალპაკის ან კრალის რომელიმე ინსექტიციდის 0,1% ემულსია. შესსურებაზე მომუშავე პირებს აუცილებელია ჰქონდეთ პროფესიული ცოდნა და გამოცდილება. მცენარეების შესსურებისას დაცული უნდა იქნეს უსაფრთხოების ყველა წესი, რათა ასეთმა დამუშავებამ არ იმოქმედოს ადამიანის ჯანმრთელობაზე, ცხოველებსა და ბიოსფეროზე.

## ქალაქ ოზურგეთის №3 და №5 საჯარო სკოლებზე კომპიუტერები მიიღეს



ტექნიკა განათლებისა და მეცნიერების სამინისტროს განათლების მართვის საინფორმაციო სისტემის სამსახურმა მოთხოვნისამებრ დაარიგა. კომპიუტერები სკოლებს ქალაქ ოზურგეთის მერმა ბეგლარ სიორიძემ, მერის მოადგილემ კობა დუნდუ-

ამ და ოზურგეთის საგანმანათლებლო რესურს-ცენტრის ხელმძღვანელმა ლელა იმედაშვილმა გადასცეს. კომპიუტერული ტექნიკის ტრანსპორტირება და საჯარო სკოლებისთვის გადაცემა ქალაქ ოზურგეთის მუნიციპალიტეტის მერიამ უზრუნველყო.

## რა საკითხებს განიხილავს ოზურგეთის მუნიციპალიტეტის საკრებულო 5 აგვისტოს სხდომაზე


ბიურომ, 29 ივლისის საკრებულოს მორიგი სხდომის დღის წესრიგი დაამტკიცა. 5 აგვისტოს გასამართ საკრებულოს სხდომაზე დეპუტატები მუნიციპალიტეტის ახალ სიმბოლოებს, გერბსა და დროშას დაამტკიცებენ.



„მინდა, მაღლობა ვუთხრა ყველა ავტორს აქტიურობისა და იმ ნდობისთვის, რომელიც ჩვენ სამუშაო ვგუფს და მთლიანად საკრებულოს გამოუცხადეს. სიმბოლოების შერჩევა მართლაც დიდი პასუხისმგებლობა იყო ჩვენთვის. აღსანიშნავია, რომ ეს პროცესი სრულიად გამჭვირვალედ მიმდინარეობდა. მირიან კიკნაძის ნამუშევარს დავამტკიცებთ საკრებულოს სხდომაზე, რომლის ესკიზმაც ჰერალდიკის საბჭოს თანხმობაც მოიპოვა, ავტორთან შეთანხმებით, ნამუშევრში უმნიშვნელო ცვლილებების შეტანის შემდეგ.“ - თქვა საკრებულოს თავმჯდომარის მოადგილემ დიმიტრი კვერციანი. ბიუროს წევრებმა, საფინანსო-საბიუჯეტო სამსახურის უფროსის ვია მამაკაიშვილისგან 2015 წლის

დამტკიცებული ბიუჯეტის შესაძლო ცვლილებებზეც იმსჯელეს და გადაწყვიტეს საკითხი საკრებულოს სხდომაზე განსახილველად გაევიდეს. საკრებულოს სხდომაზე ასევე იმსჯელებენ „მუნიციპალიტეტის საკუთრებაში არსებული უძრავი საპრივატიზაციო და სარეგებლობის უფლებით გასაცემი ქონების ნუსხის დამტკიცების შესახებ“ და კენჭს უყრიან „საკრებულოს წევრის შოთა ართემიძის სადებუტატო უფლებამოსილების შეჩერების შესახებ“ ოზურგეთის მუნიციპალიტეტის საკრებულოს განკარგულების მიღებას.

## ბიუსტის ნაცვლად განცხადებები?



ქმითი ბოლქვაკამ ეს სურათი 30 ივლისს სამუსიკო სკოლის წინ გადავიდეთ. კვარცხლბეკზე რამდენიმე წლის წინათ უკვდავი ოპერის - „ქეთო და კოტეს“ ავტორის, გენიალური ქართველი კომპოზიტორის ვიქტორ დოლიძის ბიუსტი იდგა. დღეს კი,

როგორც ხედავთ, მას განცხადებების გამოსაქვეყნებლად იყენებენ. მოსახლეობის თხოვნაა ქალაქის ხელმძღვანელობამ სრულყოფილად აღადგინოს ოზურგეთელი კომპოზიტორის ბიუსტი სამუსიკო სკოლის წინ.

**დაინყეთ ყოველი ოჩმაბათი აციონზე**  
 «ალიონით»



# ბენეფიციარების პროტესტი

## ანუ რა ხდება ქ. ოზურგეთის მუნიციპალიტეტის მზრუნველობამოკლებულთა უფასო სასაღილოში



და ამით ვივიწყებდი ჩემს გაჭირვებას. მიუხედავად იმისა, რომ სოციალურად დაუცველი ვარ, ციფრული სიღნაღის მიმღები არ მომცეს. ვიფიქრე, მზრუნველობამოკლებულთა სასაღილოში მაინც ვუყურებ სატელევიზიო გადაცემებს, მაგრამ ტელევიზორი აქაც დადუმდა, - გვითხრა **ენიჩქა ქორიანმა**.

- მზარეულმა რა ქნას. რა პროდუქტსაც მისცემენ, იმას აკეთებს. მაგრამ „გაროხის“ სუფს რომ გვაჭმევენ, ღორები ხომ არ ვართ - თქვა სულიკო თოდრაძემ.

**ნოდარ ჩხაიძე**:- თუ უნდათ, ბალახის შეჭამანდი გააკეთონ. მე არაფერზე არ მაქვს პრეტენზია. საერთოდ რომ გვაჭმევენ, იმაზეც მადლობელი ვარ.

**მამია თოდრაძე**:- 84 წლის კაცი ვარ. 3 წელია აქ დავდივარ. სისუფთავე არის. იმფერი, კაი ქალები არიან, კარგადაც გვემსახ-

ურებიან, მაგრამ 3 ქალი გაათავისუფლეს და ეს სამი როგორ შეძლებს ამდენი ადამიანის მომსახურებას?

**სულიკო ხანთაძე**:- ხომ შეიძლება „სოუსი“ ან სხვა ხორციანი წვნიანი გააკეთონ? მწვანე ლობიო არ გაუკეთებიათ. „გაროხის“ სუფი იყო თანასწარ. მე აქ მხოლოდ პურს ვღებულობდი. ეგ „გაროხის“ სუფი სახლში მიმქონდა და ძაღლებს ვაჭმევდი.

ქალბატონმა ზინა ტულუშმა „ქარაგუმებით“ გადმოგვცა სათქმელი: - ზოგი ამბობს, კომპოტს და კისელს არა აქვს შაქარი; ზოგი ამბობს, ხორცი არ გვაღირსესო; ზოგი კი - წყალწყალა „გაროხის“ სუფს ვერ იტანს... ადრე ბაზრიდან მოჰქონდათ ახალი ხორცი, ახლა გაყინული, უვარგისი ხორცი მოაქვთო...

პრეტენზიები ჰქონდათ **მაყვალა მურვანიძეს**, **ვიოლეტა ცერცვაძეს**.

ამ უკანასკნელმა საჯაროდ გალანძღა „მანიბას“ წარმომადგენელი ბენეფიციარებისადმი უპასუხისმგებლო დამოკიდებულების გამო.

- აქ კარგს მხოლოდ მზარეულებს ვხედავ. აბუნად აგვიდგეს, თითქოს ადამიანები არ ვიყოთ. ისეთი ხორცი მოიტანეს, ძაღლსაც არ აჭმევენ. მენიუ უნდა შეიცვალოს. როგორ შეიძლება სულ წყალწყალა სუფებს ვაჭმევდნენ? პურის გულისთვის დავდივარ აქ, რომ რაიმე საკვები მივიღო...

საღილოების დაწყების წინ მზრუნველობამოკლებულთა სასაღილოში ქ. ოზურგეთის მერი ბეგლარ სიორიძე, საკრებულოს თავმჯდომარე გელა კობალაძე და დეპუტატები მივიდნენ.

ქ. ოზურგეთის მერმა ის ხორცი მოიკითხა, რომლის გამო ბენეფიციარები უკმაყოფილებას გამოთქვამდნენ.

- სად არის ხორცი, რომელიც დღეს შესამოწმებლად ლაბორატორიაში უნდა გაეგზავნათ? - იკითხა მერმა.

- ჩვენ დასავლეთ საქართველოს რამდენიმე ასეთ სასაღილოს ვემსახურებით. რადგან გაყინული ხორცი დაიწუნეს, სხვა სასაღილოში გადავიტანეთ. ჩვენ ტენდერის პირობებში ხორცი გვიწერია და არაა აღნიშნული გაყინული ხორცი არ შეიძლება - უპასუხა მალხაზ იანტბელიძემ.

- არა, ჩვენ ის არ გვითქვამს გაყინული არ უნდა შემოიტანოთ, გაყინულ ხორცს მეც ვჭამ, მაგრამ აქ იმაზეა საუბარი, უვარგისი საჭმელი არ უნდა აჭამოთ ამ ხალხს. - თქვა ქალაქის მერმა.

- თქვენ არასწორად მოგაწოდეს ინფორმაცია, მე კითხვა მაქვს ასეთი: - გუშინ ვინ არ შეჭამა აქ ის საჭმელი? - დასვა კითხვა „მანიბას“ წარმომადგენელმა.

ყველას პასუხი დადებითი იყო. ქალაქის მერმა მომსახურე პერსონალთან გაუფორმებელ ხელშეკრულებებზეც დასვა კითხვა.

- ამ ადამიანებთან ხელშეკრულება თუ გაქვს გაფორმებული, სამსახურში ვინც გყავს აყვანილი? და მეორე, ამ ხალხს გაფუჭებულ ხორცს აჭმევთ, ახლავე ხარ დასაჭერი. გადავცემ შესაბამის სამსახურს იმ ყველაფერს, რაც აქ ხდება და ჭკუას ისწავლით, თქვა ბეგლარ სიორიძემ.

- ბატონო ბეგი, აქ ვილატებებს არ მოეწონვარ და ამის გამო ატეხილია ეს ამბავი, მაგალითად, აგერ ერთი ქალბატონი, რომ მოვედი იმ დღიდან მლანძღავს, - მიუთითა ბენეფიციარ ვიოლეტა ცერცვაძეზე.

- არ გლანძღავ, ვამბობ იმას, რაც ხდება, თქვენ ჩვენ, ისედაც

გამწარებული და გაჭირვებული ხალხი აბუნად გყავართ აგდებული.

- აბუნად რატომ? მოსვლის მეორე დღიდან რემონტის გაკეთება რომ დაეწიე და ჩამონგრეული კედლის და ჩავარდნილი იატაკის შეკეთება, ამიტომ?

- რემონტზე არავინ არ ლაპარაკობს, უვარგისი საჭმლის მოტანა არ უნდა გვაკადრო...

დასმულ კითხვაზე - არის თუ არა საკმარისი 140 ბენეფიციართან 3 მომსახურე პირი, იანტბელიძემ უპასუხა, რომ ქობულეთში 280 ბენეფიციარს 3 ქალი ემსახურება.

- მე ტენდერი მოვიგე და თავად ვიცი, რა რამდენია საჭირო - ამბობდა იგი.

ჩვენ სურსათის უვნებლობის სამსახურში მივედი. სამსახურის უფროსი და სურსათის უვნებლობის სპეციალიტები კურორტ მაგნეტიტში იმყოფებოდნენ შემოწმებაზე.

- მე ახლახან დავინიშნე სურსათის უვნებლობის სპეციალისტად. რომელიმე ობიექტის შემოწმება რომ განვახორციელოთ, სურსათის უვნებლობის სააგენტოს ნებართვაა საჭირო. ამ პროცედურებს კი სამი დღე ესაჭიროება - გვითხრა კობა კილურაძემ.

- ჩვენ ყოველდღიურ მონიტორინგს განვახორციელებთ. შპს „მანიბას“ ხელმძღვანელს თეონა ჯავახიშვილს დავუკავშირდი და ისიც გავიგე, რომ მზრუნველობამოკლებულთა უფასო სასაღილოს მომსახურე პერსონალს დატვირთვიდან გამომდინარე, ხელფასებსაც გაუზრდიან - გვითხრა ქ. ოზურგეთის მერიის სოციალურ საკითხთა სამსახურის უფროსმა **თამარ ლუმბაძემ**.

# მარუსია

## სანდაზმული ქალბატონი ცალ ხელში კორგალოლითა და ცალში - ხურდაფულიანი თავშალით

### თეზურ მარჯანიშვილი

ოზურგეთში, გაბრიელ ეპისკოპოსის ქუჩაზე, რესტორან „ქალაქურს“ გამოცდებით თუ არა, ყოფილი „პროკრედიტ ბანკის“ ფილიალის ოფისის წინ, იქ, სადაც ახლა „ელიტელექტრონიქსი“ დიდი მაღაზიის გახსნას აპირებს, კიბის საფეხურებზე, დიდიდან საღამომდე ზის ერთი ქალბატონი, ცალ ხელში კორგალოლით, ცალში კიდევ ხურდაფულიანი თავშალით და მოკრძალებით შემწეობას ითხოვს.

სოფელ ჯუმათის მკვიდრი, 88 წლის მარუსია ჯინჭარაძე ამბობს, რომ მის თავზე წისკვილის ქვა არ დატრიალებულა, თორემ სხვა უბედურება და სიღუფე არ დაკლებია:

„რა ვითხრა, ნენა? ჩემს თავზე წისკვილის ქვა არ დატრიალებულა, თვარა სხვაი უბედურება არ დამკლებია. სამი შვილი და ქმარი მიწვეს „მოიდანახეზე“.

რაცხას კი ვფოჩიხობდით მე და ჩემი ქმარი. 30 წელი ვმუშაობდით ერთად ჯუმათის სახერხქარხანაში დარაჯად. უკეთესი ცხოვრება კი გვინდოდა, მარა ისე არასდროს ვყოფილვართ, თავი და ოჯახი რომ ვერ გაგვეტანა. მეუ-

ლისა და შვილების დაღუპვის შემდეგ კი, საბოლოოდ დეიქცა ჩემი ცხოვრება. ახლა აგერ ქი ხედავ, რა დღეშიც ვარ, გული მაწუხებს ნამეტარი. თლა უპატრონო არ გეგონო, ქალიშვილთან ვარ, ოღონდ ჩემთვის, ცალკე, სიძემ ვერ ამიტანა და იმიზა“.

- **ქალიშვილთან ვცხოვრობ, ბრძანეთ, იცის, რომ აქ ზიხართ და შემწეობას ითხოვთ?**

- ორივემ იცის, მაგრამ მაგენს ვინ კითხავს? თვითონ უმუშევრები არიან და მე რას მიშველიან?! მე ჩემთვის ვარ და რაფერმე უმაგინისოდ გვეიტან თავს.

- **გეხმარებათ ვინმე?**

- კი, გამვლელ-გამომვლელი. ხელს არავის ვუწვდი, მაგრამ რომ ჩამვივლიან, ხურდას მიყრიან ამ თავშალით. სხვებისგან განსხვავებით, ხელისუფლებასაც ვემადლიერები და ეკლესიასაც, ცოდვას ვერ ვიტყვი, არაერთხელ დამხმარებია. ლოცვით ვუხდი ყველას მადლობას. ამ ბოლოს ნამეტარი გამიჭირდა, თვარა აქ არ დავვადებოდი.

- **პენსიას იღებთ?**

- კი

- **სოციალურს?**

- კი

- **აბა, რა გაგიჭირდათ ასეთი?**

- ოთხი თვის პენსია და დახმარება ერთად გამევიტანე და თირკმლების ოპერაცია გვეიკეთე. ქურდი და წუწკი არ ვარ, ლუკმაპურის ფულს ვაგროვებ ასე, სხვა აფერი არ შემიძლია და არსებობა ხომ მინდა?!

- **ოპერაცია არ დაგიფინანსეს?**

- რაცხა კი დამიფინანსეს, მარა მაინც ბევრი დამეხარჯა. „ბალნიცაში“ თითქმის ყველა ხელში მიყურებდა, დაახლოებით ისე, რაფერც მე ვუყურებ ახლა ყველას...

სურათის გადაღება დაუპირე და ფოტოაპარატმა მიმტყუნა, მიხედა და მითხრა: „ჭკვიანი ყოფილა მაი, ნენა. აბა, რა გადასადები მე ვარ?! მარა, თუ მანდამინც სურათით უნდა გუუშვა, გვიან საღამომდე აქ ვარ.

შუადღით გაუარე. ისევ იქ, ხუსტად ისე დამხვდა, როგორც დავტოვე, კორგალოლის ფლაკონითა და თავშალით ხელში. „ამ დღეგუნა სიცხეში რამ მოვიყვანაო“, - შეწუხდა. გადავუღე და მადლობების გაცვლით დავშორდით ერთმანეთს.



**P.S** ქალაქის გულში, კიბის საფეხურზე ჩამოჯდომა და შემწეობის თხოვნა არამც და არამც არ არის ცხრა ათეულს მიტანებული ქალბატონი მარუსიას ასირება. იგი უფრო ტიპური მაგალითია იმისა, რომ დღევანდელი პენსია და სოციალური დახმარება საარსებოდაც არ ჰყოფნის ადამიანს, მით

უფრო თუ მას ჯანმრთელობის პრობლემა შეექმნა. სამწუხაროდ, ქალბატონ მარუსიაზე ვაცილებით უარეს დღეში არიან ის მოხუცები და მარტოხელები, რომლებსაც მოუხსნეს სოციალური დახმარება და დროდადრო უგვიანებენ იმ 150 ლარს, რომელსაც ჩვენს ქვეყანაში პენსიას ეძახიან.



# მსახიობის ქველმოქმედება



**ალიონი.** 1886 წლის 26 ივლისს ავტომანანით „დაიბლერ-ვიტორია“ გადაყვანილი იქნა პირველი მგზავრი ფულადი ანაზღაურებით. ეს დღე ითვლება ტაქსისტთა საერთაშორისო დღედ. შარშან, ოზურგეთის ცენტრალურმა ბიბლიოთეკამ ეს დღე აღნიშნა.

ჯემალ კვჭავაძეს საზოგადოება იცნობს

## სასპორტო სკოლის ღია პირველობა ბერძნულ-რომაულ ჭიდაობაში



24 ივლისს ქალაქ ოზურგეთის მუნიციპალიტეტის სასპორტო სკოლის სპორტდარბაზში ჩატარდა ქალაქ ოზურგეთის სასპორტო სკოლის ღია პირველობა ბერძნულ-რომაულ ჭიდაობაში ორ ასაკობრივ ჯგუფში. მონაწილეობდნენ სასპორტო სკოლის ჯგუფები, აზერბაიჯანის, ლიხაურის, შრომისა და თხინვალის გუნდები, სულ 65-მდე სპორტსმენი.

როგორც კარგ მსახიობს, ეროვნულ-განმათავისუფლებელი მოძრაობის ერთ-ერთ აქტიურ წევრს. მის სახელს უკავშირდება ოზურგეთში პირველი ტაქსის, კვირიკეთის წმ. კვირიკესა და ივლიტას ეკლესიის აღდგენა. რამდენიმე თვის წინ მართონული სვლა განახორციელა და ოზურგეთის მუნიციპალიტეტის სოფ. კვირიკეთიდან ქ. ბათუმში (60 კმ-ზე მეტი) ფეხით ჩავიდა.

ორი წელია ჯემალ კვჭავაძე შობას, აღდგომას და ტაქსისტთა მსოფლიო დღეს მგზავრებს უფასოდ ემსახურება.

26 ივლისს მის მგზავრებს შეადგენდნენ სოფ. ცხემლისხიდის (უნჩუბი), ქვ. ბახვის, სოფ. ოზურგეთის, სოფ. მთისპირის, სოფ. ასკანას და ქ. ოზურგეთის სხვადასხვა უბნების მაცხოვრებლები. მგზავრები მადლიერნი იყვნენ ჯემალის მომსახურებით.

# ტაქსისტთა დღე ოზურგეთში

„თუ ის შვილგა, რომ ღვინაში სამი ძმანი ერთ ყანაში მუშაობდნენ, მაშინ რატომ არ შვილგა ერთ ტაქსიში ორი ძმანი მუშაობდნენ?“



**ალიონი.** ქალაქ ოზურგეთის ცენტრალური ბიბლიოთეკა მრავალი საინტერესო ღონისძიებისა თუ ტრადიციის ორგანიზატორია. მათგან ტაქსისტთა დღის აღნიშვნა ერთ-ერთი ყველაზე ორიგინალურია. 31 ივლისს აქ 50 კვტერანი და მოქმედი ტაქსისტი შეიკრიბა.

როგორც ბიბლიოთეკის დირექტორმა და ღონისძიების წამყვანმა ლიკა ბაქანიძემ აღნიშნა, ტაქსისტები ზოგადად ყველაზე მეტი ინფორმაციის მფლობელი და ლაღი უიმპურის მატარებელი ხალხია. წლებგანდელი ღონისძიებაც ამ ნიშნით გამოირჩეოდა.

რაც ყველაზე მეტად მომეწონა, ტაქსისტებმა თავიანთი თავგადასავლებისა და იუმორისათვის მას შემდეგ მოიცალეს, რაც პატივი მიაგეს აწ გარდაცვლილი კოლეგების ხსოვნას.

თავგადასავლებისა და ხუმრობების კალი კი შემდეგ დააყენეს. დიდი შეცდომა იქნება თუ ეს იუმორები ერთად არ აიკინძება, რაზეც, ალბათ, ბიბლიოთეკა იზრუნებს. ჩვენ კი ამ ღონისძიებაზე ტაქსისტთა ნაამბობიდან ორი იუმორი მოვუტანეთ მკითხველს:

– ერთ-ერთმა ოზურგეთელმა ტაქსისტმა, რომელმაც ახალთახალი „ვოლგა“ მიიღო,

თავის უფროსს თხოვა, ჩემს ძმასაც ვაძუშავებ ამ მანქანაზეო. უფროსმა უარი უთხრა. მალე უფროსიც და ტაქსისტიც შემთხვევით ერთად მოხვდნენ ტრანსპორტის მინისტრთან. ტაქსისტმა უფროსს გადასჩურჩულა, მოდი, მინისტრს ვთხოვ მაგ აძავესო. უფროსმა თანხმობა მისცა, თან მალულად მინისტრს ხელით ანიშნა, უარი უთხარიო. როცა მინისტრისგან შესაბამისი პასუხი მიიღო, იქვე „დაუბრუნა ხურდა“: ბატონო მინისტრო, „თუ ის შეიძლება, რომ ლეკიანში სამი ძმანი ერთ ყანაში მუშაობდნენ, მაშინ რატომ არ შეიძლება ერთ ტაქსიში ორი ძმანი მუშაობდნენ?“ მინისტრი სიცილისგან ჩაბყინებულა.

– უფროსს ოზურგეთელი ტაქსისტი-ისთვის უთხოვია, სურებში ადი, კოლმეურნეობის თავმჯდომარე ნახე, 5 კილო კალმასს გამოგატანსო. ტაქსისტს თავმჯდომარე კანტორაში არ დახვედრია, სხვაგან მოძებნა კი დაზარებია, ჩამოსულა ოზურგეთში, ბაზარში შეუვლია, თევზი უყიდა და უფროსისთვის მიურთმევია. ეს სტავრიდააო! – გაკვირვებია უფროსს. რავე, სურებში ვერ ევიღოდა სტავრიდა?! – მკვირცხლად უპასუხია ტაქსისტს.

## გიორგი სალუქვაძე ნამდვილი პრისკაცი იყო



მე არ მოვყვები გიორგი სალუქვაძის დამსახურებების და ტიტულების ჩამოთვლას, ვიტყვი მხოლოდ – გიორგი სალუქვაძე ნამდვილი პრისკაცი იყო.

ბატონი გიორგი 1967 წელს გავიცანი. მე ქ. ოზურგეთში მის მიერ გახსნილი გურული სიმღერების შემსწავლელი სკოლის პირველი მსმენელი ვიყავი. წლების მანძილზე გიორგი სალუქვაძემ არაერთი თაობა აღზარდა და აზიარა გურული სიმღერების საიდუმლოს. მისი წყალობით მრავალი ცნობილი ლოტბარი და მადალი ღონის ხელოვანი აღიზარდა.

საოცარი კაცი იყო იგი. გვასწავლიდა არა მარტო გურულ სიმღერებს, არამედ ცხოვრებას, მაღალ ზნეობას, სიკეთეს, სტუმართმოყვარეობას, ტრადიციებისადმი პატივისცემას. ამის სანიშნო მაგალითი

თვითონ ბატონი გიორგი გახლდათ. თუკი ჩემში საუკეთესო ადამიანური თვისებებია, ეს ბატონი გიორგის დამსახურებაა.

ბატონ გიორგისთან ერთად ანსამბლ „იაღონის“ არაერთი წარმატების მომსწრე ვარ. მაღიან დასამახსოვრებელი იყო ჩვენი გასტროლები ბელორუსიაში და ბელორუსი მეგობრების სტუმრობა ოზურგეთში. იგი ყოველთვის განსაკუთრებული პასუხისმგებლობით ეკიდებოდა ასეთი ღონისძიების თითოეული ნიუანსის განსაზღვრას.

ბატონ გიორგის დიდი წვლილი მიუძღვის ინგილოური და მესხურ-ჯავახური უძველესი ცეკვების აღდგენის საქმეში, გურული ტრადიციების გაცოცხლებაში. მას დამსახურება მიეძღვნა ქვეყნის წინაშე არა მარტო ხელოვნებაში, არამედ სახალხო მეურნეობაშიც ჰქონდა. საზოგადოებამ კარგად იცის „ბუჟუჟუჟის“ მშენებლობასთან და შემდეგ მის მართვაში ბატონი გიორგი დამსახურების შესახებ. იგი არა მარტო საქართველოს სახალხო არტისტი, ხელოვნების დამსახურებული მოღვაწე, არამედ რესპუბლიკის დამსახურებული ინჟინერი იყო.

ღმერთმა ნათელში ამყოფოს მისი სპეტაკი სული. მომგონებელი უმრავლეს და უძლიეროს.

**გიორგი ნიკოლაიშვილი,**  
ანსამბლ „იაღონის“ წევრი.

## ბრძნული აზრები

- XXX  
ერთი რამის შესახებ – **პასკალი.**  
XXX  
„კაცი მაშინ არის ღარიბი, როცა სურვილი სჭარბობს შესაძლებლობას.“ – **ჟან-ჟაკ რუსო.**
- XXX  
„ეძებთ ისეთი ადამიანები, ვისთანაც საუბარი კარგი წიგნის ტოლფასია და ეძებთ წიგნები, რომელთა წაკითხვა უტოლდებოდეს ბრძენთან გასაუბრებას.“ – **ბუასტი.**
- XXX  
„ბრძენი იმას უფრო ეცდება, რომ სწეულა აირიდოს, ვიდრე საშუალება ეძებოს მის მოსარჩენად.“ – **მორი.**
- XXX  
„მეგობარი არის კაცი, რომელმაც ყველაფერი იცის შენს შესახებ და მაინც უყვარხარ.“ – **პეტარდი.**
- XXX  
„ბრძენი ის არის, ვისაც თავისი შეცდომები ახსოვს.“ – **ავიციენა.**
- XXX  
„არ არსებობს უფრო მეტი სისულელე, ვიდრე სურვილი, იყო ყველაზე ჭკვიანი.“ – **ლორაფუშკო.**
- XXX  
„ადამიანს ისე არაფერი ამძიმებს, როგორც ცარიელი თავი.“ – **სოლომონ დოდაშვილი.**
- XXX  
„ბრძენი ის არის, ვისაც თავისი შეცდომები ახსოვს.“ – **ავიციენა.**
- XXX  
„ბევრი რამ უნდა ისწავლო, რათა შეიგნო, რომ ცოტა რამ იცი.“ – **მონტენი.**

მოამზადა  
**როლანდ თავაძე**

**იყიდება**  
**ტრაქტორი T-16, მუშა მდგომარეობაში. ახლავს მისაბმელი, გუთანი, კულტივატორი, ფარცხი, ზიგზაბი. ფასი შეთანხმებით.**  
**დაგვიკავშირდით: (599) 95 57 69; (790) 95 57 69. გოჩა.**

# ოზურგეთის თეატრი ფოთის სამართაშორისო ფესტივალზე

**ფლოლს პირველად გაიმართა რამდენიმე თეატრის სამართაშორისო ფესტივალის ფოთში, სადაც არამარტო სამართაშორისო რამდენიმე, არამედ, მხრის ქმედების რამდენიმე თეატრებიც მონაწილეობდნენ.**

**ოზურგეთის თეატრმა ფესტივალზე წარადგინა უ. შამსადინის პიესის მიხედვით ლევან ხვიჩიას რამდენიმე ნამუშევარი „აზრზაური არაფრის გამო.“**  
**სამედიკალინო მუშაკებმა კარგად მიიღო:**

**ნიკა წულუკიძე, თეატრმცოდნე:**  
„ ვულოცავ ოზურგეთის თეატრს კიდევ ერთი საინტერესო სპექტაკლის შემატებას რეპერტუარში, ძალიან საინტერესო ნამუშევარია. გამოვარჩევ ნუგზარ ბარამიძეს, ისეთი ახალგაზრდული შემართებით მუშაობს. ვულოცავ ყველას წარმატებას და მიხარია, რომ რეგიონული თეატრების ფესტივალში მიიღო ოზურგეთმა მონაწილეობა.“

**ნინელი ჭანკვეტაძე, ფესტივალის იდეის ავტორი და სამხატვრო ხელმძღვანელი:** „დღეს ფესტივალის მე-6 სამუშაო დღეა, გვყავს სტუმრად ოზურგეთის თეატრი თავისი არაჩვეულებრივი დასით, თავისი ძალიან

დიდი ადამიანით, სამხატვრო ხელმძღვანელით, ვასო ჩიგოგიძით, რომელსაც ზურგზე აქვს მოკიდებული თეატრი და ამ ჭაბანს სწევს დასთან, კოლექტივთან ერთად.“

დღეს ვიხილეთ ახალგაზრდა რეჟისორის ლევან ხვიჩიას დახვეწილი, ლამაზი სპექტაკლი, სადაც ახალგაზრდა დასთან ერთად იდგნენ ძველი თაობის წარმომადგენლები. მოხარული ვარ, რომ ამ ფესტივალზე შექსპირი ამაყად ჟღერს. ეს მნიშვნელოვანია მსახიობისათვის, ეს ცალკე სკოლაა, იმის გარდა, რასაც აკეთებს თეატრი. ძალიან დიდი ამბავია, რომ ახალგაზრდა რეჟისორმა მოახერხა შექსპირის ასე ნიჭიერად

და ლამაზად წარმოდგენა. კვლავაც ველი ამ ფესტივალზე ოზურგეთის თეატრს, ვიცი, რომ ძალიან ბევრი პრემიერა შედგა. ესეც ძალიან მნიშვნელოვანია. მე ვიცი, რა ფასი ჯდება რეგიონში პრემიერის გამოშვება. რთულია თანხის მოპოვება, ვილაცის დაინტერესება, ჩამოყვანა. ძალიან მნიშვნელოვანია, რომ ოზურგეთში ხუთ თვეში ხუთი პრემიერა შედგა.“

**ვანო იანტბელიძე, მსახიობი:**  
„მივესალმები ყველას, ძალიან მიყვარს ეს თეატრი, იმიტომ, რომ ერთი სამყარო ვართ, გვაქვს ურთიერთობები. მიტოვაც არის გენიალური ეს ფესტივალი, რომ რეგიონში გაკეთებულ ყველა ახალ სპექტაკლს აქ უყრის თავს. ვულოცავ ოზურგეთს ამ არაჩვეულებრივ სპექტაკლს. ძალიან კულტურული, ძალიან დახვეწილი, სასიამოვნო სპექტაკლია. ვერ მიხვდები ეს დედაქალაქში არის თუ რეგიონში დადგმული. ვინც ლევან ხვიჩიას, თელავშიც აქვს გაკეთებული სპექტაკლი. გილოცავთ, ვულოცავთ ფესტივალს, ძალიან მიყვარს ოზურგეთის თეატრი. კიდევ ბევრ წარ-

მატებას გისურვებთ.  
**თამარ ბოკუჩავა, თეატრმცოდნე:**  
„ოზურგეთის თეატრთან იშვიათად მქონდა შეხება. წარმოდგენილი სპექტაკლი არის ძალიან სასიამოვნო, კულტურული სპექტაკლი. მე ვფიქრობ, რომ თეატრში არ არის საუკეთესო პირობები. დასის მიერ ასეთი სპექტაკლის წარმოდგენა არის ძალიან მნიშვნელოვანი. ეს არ არის ადვილი პიესა. რეჟისორმა ახალ-

გაზრდების ურთიერთობა წარმოადგინა უფრო ლაღად, თუ პიესის ჰერო არის მსხვერპლი, ოზურგეთის, ლეკვანის ჰერო არის გამართლებული. ლევანი შეეცადა შეერბილებინა ამ ძალიან დრამატული კომედიის ფინალი. ამაში ვხედავ ორიგინალურ მიდგომას, წარმატებას ვულოცავ ოზურგეთის თეატრს.“

**ლია კილაძე**



## ბურიის რესპუბლიკა

### ბახვის მანიფესტი



**(დასასრული. დასაწყისი იხ. №30)**

„თქვენ მოგზაურობა წერდა გენერალი მალამ სულთან კრიმ-გირეის - უკანასკნელი ცდა მშვიდობიანი გზით მოსახლეობის დასამშვიდებლად და თუ ეს ცდაც უარყოფითი გამოდგა მაშინ მოსახლეობა დამორჩილებული იქნება ნატანებში მდგარი ჯარის საშუალებით, თუნდაც ამისთვის საჭირო გახდეს დიდი მსხვერპლის გაღება“ (ა.სურგულაძე „რუსეთი იმპერიალიზმის ეპოქაში“ გვ.18) ითვალისწინებდა რა შექმნილ ვითარებას უფროსი „მოგზაური“ წერდა: „მთავრობას ელდა ეცა. მან დაინახა, რომ ეს ერთი მუჭა ხალხი საუკუნეობით მოპოვებულ ყალბ კრედიტს უკარგავდა მას და გადაწყვიტა გურიის მოძრაობის აღმოფხვრა გურიაში მოძრაობის აღმოფხვრა კი გურულების აღმოფხვრას ნიშნავდა, რადგან ამ მოძრაობის იდეები ყველა გურულს ძვალ-რბილში აქვს გაშვებული. ეს კარგად ესმის ჩვენს მთავრობას და მან გაგზავნა გურიაში მთელი არმია ალიხანოვ ავარიელის მთავარსარდლობით. ჯარის გაგზავნას მოჰყვა სულთან კრიმ-გირეის გაგზავნა და ჩვენი დროის დამასასათებელი კომუნალური გათამამება მთავრობის ვითომდა მზრუნველობა.“ (ურუნალი „მოგზაური“ 15, 24 აპრილი, 1905 წელი).

კრიმ გირეი შეუდგა გურიის ჩამოვლას. 22 თებერვლიდან 8 მარტამდე მან მოიარა ოზურგეთის მახრის 25 სოფლის საზოგადოებრივ 12 საზოგადოება. „იგი პირველად შემოქმედს ეწვია, შემდეგ ბახვსა და ასკანას. მონასულა აღმოსავლეთ გურიის სოფლებიც:

ხილისთავი, ბასილეთი, ვჯარცმა ქრეთი“ (ი. სიხარულიძე „პირველი რევოლუციის დღეები“) იგი ესწრებოდა ცალკე საზოგადოების (სამამასახლისოების) სახალხო მიტინგებს, რომლებიც ჩვეულებრივ იმართებოდა კანცელარიათთან ან სკოლის ეზოში. კომიტეტის თაოსნობით ყველაფერი წინდაწინვე იყო მომზადებული. კრიმ-გირეის მოსვლამდე საზოგადოება მართავდა დიდ მიტინგებს, სადაც მოხსენებით გამოდიოდა კომიტეტის რწმუნებული, რომელიც ფართოდ აშუქებდა კრიმ-გირეის ჩამოსვლის მიზეზებს. ხალხი წინდაწინვე ირჩევდა მასთან მოსალაპარაკებლად დელეგაციას, რომელშიც უსათუოდ შედიოდა ერთი პასუხისმგებელი პროპაგანდისტიც. კრიმ-გირეი პირველად მიესალმებოდა ხალხს დასხვებზე ქართული სიტყვებით: გამარჯობათ გურიის შვილებო, იგი მიიღებდა მხიარულ სახეს, ხოლო მისი თარჯიმანი კი წაიკითხავდა კრიმ-გირეის მიმართვის ბარათს ხალხისადმი: „მოგესალმებით გურიის შვილებო, და სამოწინებოთ ავლინებდა, რომ თქვენს შორის რუსული ენის მკოდნენის არიან, მაგრამ მსურს რომ ჩემი სიტყვები გაიგონოთ თქვენს დედაენაზე, რომლებიც თქვენთვის გასაგებია... მე მტყდა მიხარია, რომ მომეცა შემთხვევა, რომ მოვსულიყავი მშვენიერ გურიაში და ახლო გაშეცნო გურულები და ბედნიერი ვიქნები თუ ჩემი მოსვლა მოგიტანთ თქვენ მშვიდობას და დაწყნარებას.“

„გურია აღნიშნავდა კრიმ-გირეის ამ მოთხოვნების საპასუხოდ (მას ყველაზე რევოლუციური მოთხოვნები წაუყენეს),

რუს ძებს.“ - „ბახვის მანიფესტი“ შედგებოდა შემდეგი პუნქტებისაგან:  
1. ყველა საეკლესიო და სამონასტრო მიწების კონფისკაცია და მათი გადაცემა გლეხობისათვის უსუსყიდლოდ;  
2. სანადგლო მიწების გადაცემა გლეხობისათვის უსუსყიდლოდ. სანადგლო მიწებისათვის გადახდილი ფულის დაბრუნება გლეხობისათვის;  
3. გლეხთა კომიტეტების დაარსება სოფლებში;  
4. ყველა არაპირდაპირი გადასახადის გაუქმება და პროგრესული სამშობლოსელო გადასახადის დაწესება. ყოველგვარი გადასახადისაგან გათავისუფლება იმ გლეხებისათვის, რომელთა შემოსავალი არ აღემატება 500 მანეთს;  
5. წოდებათა გაუქმება;  
6. სიტყვის, კრების, კავშირების და გაფიცვების თავისუფლება;  
7. სახალხო სასამართლოს დაწესება;  
8. მუდმივი ჯარის გაუქმება და სახალხო მილიციის შემოღება;  
9. დრამის ფულის გაუქმება;  
10. საყოველთაო სწავლების შემოღება ორივე სქესისათვის 16-წლამდე;  
11. სკოლებში ქართულ ენაზე სწავლების შემოღება;  
12. პიროვნების ხელშეუხებლობა;  
13. დახურული სამკითხველოების დაუფორმებლად გახსნა;  
14. პოლიტიკური გათავისუფლება;  
15. სლავთა რუჯულის სწავლების გაუქმება.

გურული გლეხობის ამ ზოგადსაკაცობრიო სოლიდარულმა იდეებმა დიდად აღაფრთოვანა დიდი რუსი მწერალი ლევ ტოლსტოი. 1905 წლის 15 აპრილს გაზეთი „ივერიაში“ გამოქვეყნებულ სტატიაში ტოლსტოი აღნიშნავდა: „რასაც მე ოცი წლის განმავლობაში ვეკვლიყვდი, იმას ახლა გურული გლეხები ასახიერებენ“ („ივერია“, 54, 15 აპრილი, 1905 წელი) გაზეთი „პერიოდი“ 1905 წლის 12 აპრილის ნომერში წერდა: „გურიის გლეხთა აჯანყება იშვიათი მოვლენაა მსოფლიო ისტორიაში, ეს ჩვეულებრივი გლეხთა აჯანყება კი არ არის, არამედ საეკლესიო შეგნებული პოლიტიკური მოძრაობა, რომელიც მილიანად ეხმარება მთელი რუსეთის პროლეტარიატის შეგნებულ

მოძრაობას“ (გაზეთი „პერიოდი“ 14, 1905 წელი)  
გურულმა გლეხობამ მათი სოციალური, ეკონომიკური ჩაგვრის საფუძველზე წარმოქმნილი ცხოვრებისეული მოთხოვნები მთავრობის წარმომადგენლებთან კრიმ გირეისთან შეხვედრასა და საუბრებში, მკაფიოდ ჩამოაყალიბეს ასკანელმა გლეხებმა: „რომ დაწვები თავი სხვის მამულში მაქვს და ფეხები სხვისში“ აღნიშნავდა კრიმ გირეისთან საუბარში ასკანელი გლეხი მიხეილ ჭვიშვილი (ურუნალი „მოგზაური“ 33, 17 მარტი, 1905 წელი) უნდა ითქვას რომ მოლაპარაკებებმა მთავრობის მართვლობასა და შეამოხვებს შორის შედეგი არ გამოიღო, მთავრობას არ სურდა გლეხობის მოთხოვნების შესრულება. „კრიმ-გირეის მისიის მარცხი ნათქვამია წიგნში- „სოციალიზმი ქართულ ერებში“- გლეხების რადიკალურმა მოთხოვნებმა განაპირობა, როგორც თვითონ აღნიშნა გურულ გლეხებს საფრანგეთის კონსტიტუციაც კი ვერ დააკმაყოფილებდაო. მოუხედავად ამისა გურიიდან დაბრუნების შემდეგ 9 მარტს კრიმ-გირეიმ წინადადება დააყენა ოთხი რუფორმა გატარებულიყო, კერძოდ, ადგილობრივი არჩევნების შემოღება დანიშნების მაგიერ, მთავრობის მიერ დახურული ბიბლიოთეკების აღდგენა; ადმინისტრაციული წესით გადასახლებულთა დაბრუნება და ჯარის გაყვანა. ვორონცოვ-დაშკოვმა საქართველოში ჩამოსვლისთანავე შეასრულა პირველი ორი წინადადება და ქუთაისის ციხეებიდან გაათავისუფლა ადმინისტრაციული ბრძანებით დაპატიმრებული პატიმარი“ (სტივენ ფჯონსი, „სოციალიზმი ქართულ ფერებში“ სოციალ-დემოკრატიის ევროპული გზა 1883-1917“, თბ/2007წ. გვ.188).

9 მარტს კრიმ გირეი გურიიდან გაიქცა. მთავრობამ საგანგებო მდგომარეობა გამოაცხადა და გაგზავნა 10 000 კაცანი სადამსჯელო რაზმი გენერალ ალიხანოვ-ავარსკის ხელმძღვანელობით.

**ანანა ლომაძე,**

ქ. ოზურგეთის მუნიციპალიტეტის ფონდების მთავარი მცველი.





# ეპოქა ფირალთა ზეობისა

## ენვერ გობუშაძე

### მხარის სოციალურ ეკონომიკური და კულტურული საბანანათლებლო ყოფა ფირალთა ზეობაში

#### II ნაწილი



ბრიგოლ გურიელი

გასული საუკუნის 90-იან წლებში, ცნობილი ეთნოგრაფიისა და საზოგადო მოღვაწის თეოდოსიას გურიელის მოგზაურობის უამს გარკვეული ცვლილებები აღინიშნება გურიის სოციალ-ეკონომიკურ ყოფაში, მის ადმინისტრაციულ მმართველობაში, პოლიტიკურ და კულტურულ ცხოვრებაში.

ამ დროისათვის ოზურგეთის მაზრა მოიცავს 1980,165 კვ. კმ-ს. მხარის მოსახლეობა შეადგენს 88-760 სულს. ეთნიკური წარმომავლობით, მცირედენი გამოწვევის გარდა, ყველა მათგანი ჩაქუროსანი გურულია.

ერთ კვადრატულ კილომეტრზე სახლობს 43.8 კაცი.

მხარე დაყოფილია 26 სოფლის საზოგადოებად. მასში გაერთიანებულია 100 სოფელი.

მხარის საზღვრები თითქმის

ქაიხოსრო მალაქიას ძის მემკვიდრენი: ეკატერინე და მარიამი თავად გუგუნვაზე გათხოვილი;

კონსტანტინე მალაქიას ძე გურიელი და მისი ორი ასული, ელენე და ნინო;

ესე გიორგის ძე გურიელის ძენი: ლევანი, გიორგი, ვლადიმერი (ტუტულა).

აქა-იქ, ქვეყნის სხვადასხვა კუთხეში კიდევ სახლობენ „ქვეყნის დამქცევი კლასობრივი მტრები“.

დიდი ქველმოქმედი გრიგოლ გურიელი.

სულითა და გულით დიდბუნებოვნად დაბადებული მამია გურიელი და მისი ძმები: ვახტანგ, ტელემაკ, ჯაბა, გურიელები.

მათი მამა - დათა გურიელი.

მათი დღეები დათვლილია: ფირალებს გადაურჩნენ, „ახალი თაობის“ მაუზერისტებთან ბრძოლა გაუმძღვდათ. გურიის კომიტეტი მათ ამოსავლებად განემზადა.

90-იანი წლების „თეოდოსიას-ასდროინდელი გურია“ უხვი და ბარაქიანი. ქვეყნის წამყვან კულტურას - „გურიელის მარჩენალს“ სიმინდი წარმოადგენს.

ისევ პატივცემულ მოგზაურს მოუკმინოთ: „თუ საზოგადოდ საქართველოს შესახებ ითქმის - მეურნეობის დედაა, ამ სახელის დირსია კერძოდ მისი ერთი საუკეთესო ნაწილი - გურია. ყველაფრით არის შემკული ეს მხარე: ნაყოფიერი ნიადაგით, უხვი მცენარეულობით, ზომიერი ჰავით. ყველა ეს ისეთი პირობებია, რომ მეურნე თავისი შრომისათვის ერთი ასად ჯილდოვდება. მხოლოდ ეს ბუნებრივი სიმდიდრე შემუშავებულს მოეღის, შეგნებულ

ზამთარი, თიხნარი - ქვიშნარი თუ ეწერი მიწები. შიგადაშიგ ნიადაგში წვრილი კაჟნარია, რიყის და კირის ნარევი, ალაგების სხვადასხვანაირი მდებარეობა - ვაკეები, და ფერდობები, გორაკები, მთები მალაღი მწვერვალებით, უხვი მდინარეები, დედეები, წყაროები, ზღვა - აი, უმთავრესად საქართველოს ამ ძვირფასი კუთხის ბუნებრივი პირობები, რომლის მიზეზითაც ხარობს ამ მხარეში, ცხელი ქვეყნის ძვირფას მცენარეებთან ერთად, მთის და ცივი ქვეყნის მცენარეულობაც.

აქვე აღსანიშნავია: გურიაში ჩაის კულტურის გავრცელების წინააღმდეგ კატეგორიული უარით გამოვიდა ხელმწიფე იმპერატორი ნიკოლოზ პირველი. იმპერატორს მოასვენეს: „საქართველოში, ბათუმის ახლოს, სოფელ ჩაქეში აღმოჩნდა ისეთი მიწა, რომელზედაც შესაძლებელია ჩაის გაშენება, საუკეთესო ხარისხის მოსავლის მოწევა. იმპერატორს ეს მოსვენება წაუკითხავს და ისე, რომ დიდხანს არც დაფიქრებულა, ზედსასწრაფოდ წაუწერია:

„რამდენადაც ჩემთვის ცნობილია, ჩაი მოითხოვს კოლონიალურ შრომას და მე არ ვინდობდი გადავკარებულიყო ისეთი მშვენიერი ნაცია, როგორც ქართველებია“.

გურიის ბუნების მრავალფეროვნებით, განსაკუთრებული სილამაზითა და მისი ნიადაგების ნოყიერებით განცვიფრებული დიმიტრი ბაქრაძე წერს:

„გურიის ბუნება იმერეთისაზე უფრო ლამაზი და მდიდარი მქვანა. დინარეები, რომლებზედაც ჩემი გზა გადიოდა, მთისა და ამიტომ ანკარა და ბროლივით გამჭვირვალეა. აქ თიხნარი ნიადაგი ჭარბობს და მინც ძალზე ნაყოფიერია. ამ დღეს, 1 აგვისტოს პირველად ვნახე მალაღი ჯიშის სიმინდი, რომელიც სექტემბერში ზრდას რომ დაამთავრებს, საუფნ ნახევარი სიმადლისაა.

სიმინდი მრავალი სახეობისა იყო. მოსავლიანობითა და ხარისხით ყველა სახეობას ზემოხსენებული „საუენახვერნიანი“ სიმადლის სიმინდი სჯობდა. იგი 1856 წელს შემოიტანეს ამერიკიდან. მაღალი მოსავლიანობით ხასიათდებოდა „ოთხ კოტას“ (ტაროს) იკეთებდა. მისი წყალობით გურული გლეხის სასიმინდე („ნალიე“) მუდამ პირთამდე იყო სავსე.

ნატანებიდან ოზურგეთში მომავალი თეოდოსიას წერს: „გზაში სიციხისაგან დატანჯულებს ტყის სივრცელში შვება მოგვცა. ჯერ წვიმას ეპირებოდა, მაგრამ თანდათან ღრუბლებმაც გადაიყარა და მივარემ კეკლუცად შემოგვაშუქა დავერცხილი სხივები. გარშემო სრული სიჩუმე იყო გამეფებული. ამ საოცნებო მყუდროებას ჩვენი ეტლის ხმა არ აღვევდა. ხან ქარავანი შემოგვხვდებოდა სიმინდით დატვირთული ურმებისა, რომლებიც შეკეთილში მიედინებოდა.

„სოფლები არ ჩანს. მთელი 10-12 კილომეტრის მანძილს ისე გაივლის კაცი, ორ-სამჯან თუ შეხვდება გზის პირად გადმომდგარ სახლებს. უმეტესი ნაწილი გზის იქით-აქით მდებარე ადგილებსა, ან დაბურულ ტყეს უჭირავს, სადაც წიფელი ყველა

სხვა ხეს სჭარბობს, ანდა, სადაც ტყე გაკაფულია, მთელი ზღვაა სიმინდის ყანებისა, წყალი ყველგან უხვადაა, ან უკეთ, ჭარბადაცაა. გვალვა ამ ადგილას ჭირნახულს წარბსაც ვერ შეაზრევინებს, ის კი არაა, უფრო რგებს კიდევცა, მოჭარბებულ სინესტეს ამორებს“.

მოგზაური განაგრძობს: „დაიდრა ეტლი, გზა ისევ დაბურულ ტყეზე მიდის. ტყეს სიმინდის ყანები მისდევს. ყანებს ისევ ტყე და ასე მიდის მთელი გზა, ირგვლივ სულ ტყეა და ყანა.

1896 წლის ოზურგეთის მაზრაში მოწეულ იქნა 2 მილიონ 832900 ფუთი სიმინდი.


გლეხის კალო უმთავრეს შემთხვევაში 300-400-გოდრიანი იყო. გოდორში 20 კილოგრამზე მეტი ჩადიოდა. აქედან „ხარკად“ იჯარით აღებულ მიწაზე „ქვეყნის მელაპავი მემამულისათვის“ 14 გოდორი სიმინდი უნდა მიეცა. ეს იყო და ეს. უკეთეს დროჟამს ალბათ კაცი ვერ ინატრებდა“.

„რევოლუციური პათოსით გულანთებულ ყოფილ ტერორისტებს, წითელრაზმელებსა და მათ „ხელის შემწყობი“ ხშირად თავიანთი ავტობიოგრაფიის თხრობისას ერთგვარი ლაფსუსი მოსდით და გარკვეულწილად „მხედველობიდან რჩებათ“ იმდროინდელი გურული გლეხის ეკონომიკური ყოფა, თუნდაც იგი ტერორისტთა მეკავშირე ყოფილიყო.

იოსებ ნიკოლოზის ძე დარჩია მოგვითხრობს: „ღარბი გლეხის ოჯახში ვარ დაბადებული, 1885 წელს. იმ დროში მიწა გურიელების და თავადაზნაურების ხელში იყო. მიწას ვამუშავებდით სანახევროდ. ნახევარ მოსავალს ვიტოვებდით ჩვენ, ნახევარს ვამღვედით მათ.

1900 წელს გაფიცვები მოხდა. ელისო დარჩიამ სუფსაში სახლიდან წაიღო ქალის კაბა, ჩააცვა სტუდენტ კაცს, თავი შეუხვია, ვითომ ავადმყოფი იყო, ცხენზე შეაჯინა და მოიყვანა სილაურში (დაიწყო ავტაცია). დიდი ცხემლის ძირში ხატი მოასვენეს ღამე. ხატთან ხალხმა ერთმანეთს შეჰფიცა, რომ საერთო საქმეს არ უღალატებდნენ. მაშინდელ დროში ღმერთი და ხატი სწამდა ხალხს.

გაფიცვის მიზეზი იყო მიწის არქონება და ხელმწიფის ძირს ჩამოგდება (სილაურის თემის ცხემლის



თეოდოსიას

ძირში გამართული სახალხო კრების დადგენილებით).

ხალხმა დააყენა საკითხი: „მიწა მოგვცეს სამეათედოდ - ათ ფუთზე ერთი ფუთი წაიღოს მემამულემ (გავიფიცეთ): მიწები დაუთესელი დარჩა.

1902 წელს წავედი სუფსაში, ტყეში საშუაოდ. ღამეს ვათევდი ქრისტიანურე ჯიჯიეშვილის კარავში. მან მითხრა: „შენ ნამუსი შემინახე“. თვითონ იყო ასისტავი (დევნიდენ), „თუ დამჭირონ არ გამამხილო“.

ქრისტეფორეს ოთხასფუთიან ნალიაში დამალული ჰქონდა იარაღები, ამარავებდა ტერორისტებს: სამსონ მიქაბერიძეს, ისილო კუტალაშვილს, ნიკოლოზ კუპრაძეს, ისონ მოისწრაფიშვილსა და ბესარიონ ჯაშს.

საინტერესოა: სუფსის უბნის საიდუმლო ორგანიზაციის ასისტავს, ქრისტეფორე ჯიჯიეშვილს, კაცისმკვლელობა უსტაბაშს გააჩნია „ოთხასფუთიანი ნალია“, რითაც ცხადი ხდება, რომ „გურიელთა მოსაკვდინებლად ტყეში გაჭრილი ქრისტეფორე“, სიმინდის სანახევროდ გადახდის კვალობაზე, 800 ფუთ ჭადს იწვევდა წელიწადში, „მეთაღის“ გადახდის შემდეგ კი, მისი კუთვნილი მოსავალი, 720 ფუთით უნდა განსახვრულიყო. უჭირდა ვითომ ასისტავ ქრისტეფორეს, 400 ფუთი სიმინდის პატრონს ტყეში გაჭრილი ტერორისტებით „ნიკოლოზას ტახტიდან ჩამოგდებას“ რომ ესწრაფვოდა და ამის გამო ყანების დათესვას უკრძალავდა გლეხობას.


## გახსენება

### „ცაში ლამაზი სული გაბეძვა...“

ოთხი აგვისტო შენი დაბადების დღეა, კახა. ორმოცდახუთი წლისამ ნაადრევად შეწყვიტე სიცოცხლე და საუკუნო განსასვენებელს მიაშურე. მშობლებისა და შენი ორი შვილისათვის ტკივილიანია ეს დღე და ასე დარჩება ბოლომდე, მუდამ ტკივილიანი ოთხი აგვისტო. და მაინც, აქედან გეხმანებით, გესიყვარულებით, მოგონებებში ვიძირებით.

თითქოს შენი ხმაც მოდის ჩვენამდე: „ო, მაპატიეთ, გთხოვთ, მაპატიეთ დანაშაული არდაბრუნების“.

იძინე მშვიდად: რა დასანანია, რომ ნაადრევად გაიარე ამქვეყნიური ცხოვრების გზა.



შენი ოჯახი, მშობლები, ბაბუ და ნანი.



კმეპი გურიელები

„ძველებურია“: სამხრეთით - მდინარე ჩოლოქი და აჭარა გურიის ქედი; დასავლეთით - შავი ზღვა; ჩრდილოეთით - რიონი, რომელიც სამეგრელოდან ჰყოფს გურიას; აღმოსავლეთით - ნიგოეთის ქედი, აჭარა-გურიის ქედიდან გამომავალი, რომელიც იმერეთიდან გამოჰყოფს გურიას.

გურიის აზნაურთა რაოდენობა შესამჩნევად შემცირებულია.

ოზურგეთში - გურიის ძველ სატახტოში გურიის მთავართა ნაშთები „გამქრალან“, მათგან მხოლოდ რამდენიმეს ჩამოთვლა თუ შეიძლება:

მუშაკს, რომელიც გონივრულად გამოიყენებს ბუნებისგან მუქთად მოწვილი სიუხვეს“.

ჯერ კიდევ 1848 წელს გაზ. „აკაკაზი“ წერდა: „მალან ძნელია ისეთი მცენარის დასახელება, რომელიც არ შეიძლება მოშენებულ იქნეს საქართველოს ამ პატარა კუთხეში. ჩაი, ციტრუსები, სხვა სუბტროპიკული თუ დეკორატიული მცენარეები, ვაზი, ზეთისხილი, ბროწეული, ყოველგვარი ყვავილი, ბზა, კედარი, ფიჭვი, ნაძვი, ურთხმელა და სხვ.

საუცხოოდ შეზავებული ზომიერი ჰავა, მშვენიერი მზის უხვი სითბო, და სინათლე, მოკლე და ნაზი



# ოზურგეთი თელაველ მხატვრებს მასკინალოს

ნუგზარ ასათიანი



28/07/2015 16:38

სექტემბრის შუა რიცხვებამდე გასტანს თელაველი მხატვრების გამოფენა, რომელიც ქალაქ ოზურგეთის მუნიციპალიტეტის თანამედროვე სახვითი ხელოვნების ცენტრ-სურათების გალერეაში 28 ივლისს გაიხსნა.

ქალაქ ოზურგეთის მუნიციპალიტეტის თანამედროვე სახვითი ხელოვნების ცენტრ-სურათების გალერეა ახორციელებს პროექტს, რომელიც საქართველოს სხვადასხვა რეგიონის ქალაქებში გაცვლით გამოფენებს გულისხმობს. ოზურგეთელ მხატვრებს გამოფენები ჰქონდათ თბილისში, ბათუმში, ფოთში, ქუთაისში... ოზურგეთსაც სტუმრობდნენ თბილისელი, ბათუმელი, ქუთაისელი მხატვრები...

თელაველ მხატვრებს პირველად მასკინალოს ოზურგეთი. წარმოდგენილია ბეჟან ბოტკოველის და ზურაბ გიკაშვილის ფერწერული და ზაქარია ფიცხელაურის გრაფიკული ნამუშევრები.

გამოფენის გახსნაზე ოზურგეთელებმა იხილეს ახალი ხელები, განსხვავებული ფერები და საქართველოს უძველესი კუთხიდან ჩამოტანილი სიტბო და სიყვარული.

ბეჟან ბოტკოველის ფერწერულ ნამუშევრებში მხატველმა განსაკუთრებული მოწონება იმსახურებს: „ჯვრის მონასტერი“, „სიღნაღი“, „ძველი თბილისი“, „თუმეტი“, „უშგული“ (ტი-

ლო, ზეთი); „ნაკადული“ (მუყაო, ზეთი); ზაქარია ფიცხელაურის „განჯალების წყარო“, „ალავერდის აივანი“, „მთაწმინდა“ (ქალაქი, ტუში); ზურაბ გიკაშვილის „შვილის „პეიზაჟი“, „თელავის ბაღი“, და ა.შ.

გახსნის ცერემონიაზე სიტყვებით გამოვიდნენ: ხელოვნებათმცოდნე ლია ურუშაძე, სახვითი ხელოვნების ცენტრ-სურათების გალერეის დირექტორი ავთანდილ თავართქილაძე, გურიის გუბერნატორის მოადგილე სოსო ერქომაიშვილი, ქ. ოზურგეთის ალ. წუწუნავას სახელობის პროფესიული სახელმწიფო დრამატული თეატრის დირექტორი ვასილ ჩიგოგიძე, მხატვარი ბეჟან

ბოტკოველი.

გამოფენის გახსნის ცერემონიალის დასრულების შემდეგ ბეჟან ბოტკოველმა გაზეთ „ალიონთან“ განაცხადა: ძალიან მნიშვნელოვანია ასეთი გაცვლითი ღონისძიებანი. ძალიან მოხარული ვარ, რომ დღეს ოზურგეთი გემასპინძლობს. მე და ავთანდილ თავართქილაძე სამხატვრო აკადემიაში ერთ პერიოდში ვწავლობდით. ვიცი, არაერთი ოზურგეთელი ხელოვანი, რომელთაც წარმატებული გამოფენები ჰქონდათ საქართველოს სხვადასხვა ქალაქში. იმედი მაქვს, საპასუხო გამოფენა თელავში შემოდგომაზე გაიმართება.



28/07/2015

## მილორცა



ადამიანის დაბადება უფლის დიდი საჩუქარია, ხოლო დაბადების დღე – დღესასწაული ადამიანის ცხოვრებაში.

31 ივლისი, ავთანდილ ჩხიკვიშვილის დაბადების დღეა. სამეუხნარო-საეკონსულტაციო ცენტრის ხელმძღვანელი დიდი მოწინებითა და სიხაჩულით ეროვნულ ბატონ ავთოს დიდ დღესასწაულს. ეს უჩუქენი ადამიანი დაბიძგებს ჩვენს შიხის და სანდომიანი სახითა და თბილი, კეთილი თვალებით ცდილობს უხმაურით აეთოს საქმე, ხათა მეტ ადამიანს მოგვახოს შვება. ცდილობს გაითავისოს სხვისი ტყვიანი, მოუნახოს წამალი და საღებუნად დაედოს.

ბატონო ავთო! უფალი გვახავდეს, მისი მადლით ოჯახთან ერთად ახ მოგაქედეთ სიხაჩული, ბედნიეხება, ხათა თვენი ცხოვრების გზის მანათობელი შუქუხა იყოს წახმატება და იმედის ასხეუება.

**სამკურნალო-საკონსულტაციო ცენტრ „კლემასი“ კოლმეტივი.**

# სანადირო თოფების სისტემები



ტიპებისა და სისტემების მიხედვით თოფები ბევრნაირია. მათ განასხვავებენ შემდეგი ნიშნებით: გამოყენებული ჭურვის მიხედვით; ლულების რაოდენობის მიხედვით; გადატენვის საშუალებათა მიხედვით; გასასროლად გამზადებული ვაზნების რაოდენობის მიხედვით; დამცემი სისტემის მიხედვით; დანიშნულების მიხედვით.

ჭურვის მიხედვით თოფები იყოფა საფანტან (გლუვლულიანი), ტყვიის (კუთხელოვანი) და კომბინირებული (ტყვია-საფანტან) თოფებად.

გლუვლულიანი თოფების ობტმალური სასროლი მანძილი 30-40 მეტრი (სპეციალური ტყვიით 50-60 მეტრი). კუთხელოვანი თოფებს ლულაში აქვთ ხრახნი. ასეთი თოფებით საფანტანს არ ისვრიან.

შტუცერები ეწოდებათ ორლულა ხრახნილულიანი (კუთხელოვანი) თოფებს, რომლებიც გამოიყენებენ საშუალო და მაღალმუხტან ვაზნებს. სახელწოდება წარმოედება გერმანული სიტყვისაგან Stutzen. გარდა ამისა გერმანულში სიტყვათა სინქრონი Berg-

stutzen ნიშნავს "სამთი შტუცერს". ეროპაში ორლულიანი ხრახნილებს უწოდებენ "ორმაგ კარაბინებს" ან "ორმაგ ექსპრესებს".

შტუცერი ესაა სპეციალური, რომელიც განკუთვნილია დიდ, ხშირად საშუალო ცხოველზე სანადიროდ. შტუცერის ძირითადი პლუსი იმაში დევს, რომ მეორე გასროლა შესაძლებელია გაწარმოთ იარაღის მხრიდან ჩამოუღებლად (შესაბამისად უფრო ჩქარა ვიდრე კარაბინიანი). იარაღის ჩამოღებასა და გადატენვაზე საშუალოდ ისარგებებს 2-3 წამი, რაც ზოგჯერ სასიცოცხლოდ მნიშვნელოვანია!!!

უბტესად შტუცერები სახაზინო გადატენვისაა.

აღსანიშნავია, რომ თვითდამტენი კარაბინის შემთხვევაშიც შესაძლებელია მხრიდან ჩამოუღებლად მეორე (და შემდგომი) გასროლების წარმოება, თუმცა პროფესიონალი მონადირეები ვერ ენდობიან მათ ბოლომდე ამასთან თვითდამტენი კარაბინის ლულა ყოველი

შემდგომი გასროლისას უფრო და უფრო მეტად თბება, რაც უაყოფითად აისახება ბალისტიკაზე.

შტუცერების უკუცემა იმდენად დიდია, რომ დაწოლილ პოზიციაში სროლისას არის შემთხვევები, როცა მონადირე მხრის მოტეხილობაც კი მიიღო.

შტუცერების ცალსახა უარყოფითი მხარეა მათი სიძვირე. ისინი 2-3-ჯერ უფრო მეტი ღირს, ვიდრე იმავე კლასის გლუვლულიანი ან კარაბინი. ფასი განპირობებულია ლულის მასალის, დამზადების სირთულისა და გაძლიერებული საკეტი სისტემის მაღალი თვითღირებულებით.

კომბინირებული თოფები არის ორლულიანი, სამლულიანი, ოთხლულიანი და მრავალლულიანი. ორლულიანი კომბინირებულებს ერთი ლულა გლუვი აქვს, ხოლო მეორე კუთხელოვანი (ხრახნილი). სამლულიანი კომბინირებულებს, როგორც წესი, ზედა ლულები გლუვი აქვთ, ხოლო ქვედა ხრახნილი. არსებობს თოფები, რომლის

ლულის არხის დიდი ნაწილი გლუვია, ხოლო გარკვეული ნაწილი კუთხელოვანი. ასეთ თოფებს „პარადოქსებს“ უწოდებენ. ასეთი თოფებიდან გასროლილ საფანტანს 30-40 მეტრში დამაკმაყოფილებელი ჭრა აქვთ (სპეციალური ტყვიით 100 მეტრში).

ლულების რაოდენობისა და მათი წყობის მიხედვით სანადირო თოფები იყოფა ერთლულიანი, ორლულიანი, სამლულიანი და ოთხლულიანი თოფებად. ორლულიანებში ლულათა წყობის მიხედვით არჩევენ ვერტიკალური და ჰორიზონტალური წყობის ლულებს.

გადატენვის საშუალებათა მიხედვით არჩევენ: ზუმბან და სახაზინო თოფებს. სახაზინო გადატენვის თოფები თავის მხრივ იყოფა ფისტონის ცენტრალური აფეთქებისა და გვერდითი აფეთქების თოფებად (მცირეფალიანი კარაბინი „გეკო“).

ზუმბან თოფებს ლულის ტუჩიდან ტენიან (დენთი-საფენი-ჭურვი -საფენი). ასეთი თოფის ახლიდან გადატენვის აუცილებელ ატრიბუტს ზუმბა წარმოადგენს.

**გელა ჩავლივილი**  
(გაბრძემება იმემა)



<b>წვიმა</b> +22+29	<b>ელ-ქმეი</b> +24+30	<b>მზი, ღრუბლი</b> +22+30	<b>ელ-ქმეი</b> +21+28	<b>მზი</b> +20+28	<b>მზი</b> +21+29	<b>მზი</b> +21+29
3 აგვისტო ორშაბათი	4 აგვისტო სამშაბათი	5 აგვისტო ოთხშაბათი	6 აგვისტო ხუთშაბათი	7 აგვისტო პარასკევი	8 აგვისტო შაბათი	9 აგვისტო კვირა

## 7 დღის ამინდის პროგნოზი